



Broj: 04-40-1-278/24
Sarajevo, 05.10.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 04.10.2024. do 08:30 sati 05.10.2024. godine

Štaba civilne zaštite Kantona Sarajevo (u daljnjem tekstu: Štab) je dana, 04.10.2024. godine održao telefonsku sjednicu na kojoj je upoznat sa naredbom Federalnog štaba civilne zaštite, broj: 12-04-3-4-432/24 od 04.10.2024. godine na osnovu koje je donio naredbu kojom se naređuje službama zaštite i spašavanja Kantona Sarajevo formiranim u pravnim licima: KJKP „Sarajevo šume“, KJKP „Park“ i „Bosman“ d.o.o., da sa raspoloživim sredstvima i opremom za spašavanje ljudi i materijalnih dobara upute na područja zahvaćena poplavama i klizištima (Konjic, Jablanica, Prozor-Rama, Fojnica, Vareš, Kreševo, Kiseljak i dr.), prema prioritetima koje odredi Federalna uprava civilne zaštite.

U skladu sa navedenom naredbom Štaba, u toku prethodnog dana na ublažavanju i otklanjanju posljedica od poplava i klizišta na pogođenim područjima angažovane su slijedeće strukture zaštite i spašavanja Kantona Sarajevo:

- na području Općine Jablanica direktor Kantonalne uprave civilne zaštite Kantona Sarajevo i 12 pripadnika Profesionalne vatrogasne jedinice sa neophodnim sredstvima i opremom i službe zaštite i spašavanja formirane u KJKP „Sarajevo šume“, KJKP „Park“ i „Bosman“ d.o.o. sa teškom mehanizacijom (dva pauk bagera, četiri bagera rovokopača, jedan kamion i šest vučnih vozila) sa posadama;
- na području Općine Kiseljak (centar općine i selo Višnjica) pomoćnik direktora za mjere zaštite i spašavanja sa dva stručna saradnika i spašavanja i 12 pripadnika Profesionalne vatrogasne jedinice sa neophodnim sredstvima i opremom (vatrogasno vozilo pauk, tri terenska vozila, kombi vozilo, pumpe i dr. oprema) i služba zaštite i spašavanja formirana u „Bosman“ d.o.o. sa teškom mehanizacijom (veliki bager utovarivač i vučno vozilo) sa posadom.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su pet manjih intervencija i to: jednu na gašenju smeća u kontejneru, jednu na gašenju romobila, jednu na gašenju kamiona, dva obezbjeđenja aerodrom.

Općinski operativni centar civilne zaštite Hadžići: Jučer u jutarnjim satima uslijed obilnih kišnih padavina, došlo je do pojave bujičnih voda i začepljenja korita potoka Kalašnica i njegovog izlivanja na lokalitetu Donja Raštelica (poplavljene podrumске prostorije jednog stambenog objekta i poljoprivredno zemljište, te srušen jedan potporni zid), kao i začepljenja kanalizacione mreže u naselju Tarčin u ul. 9. brdske brigade br. 61., plavljenja lokalnog puta u mjestu Tračin u ul. Kapuća br. 18. i ul. Smucka br. 54., te oštećenja makadamskog puta u naselju Kazina Bara u ul. Šinci. Pripadnici organizovanih općinskih struktura zaštite i spašavanja su odmah izašli na pogođena područja i preduzeli neophodne mjere i aktivnosti na otklanjanju posljedica od kišnih padavina.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 10°C, vlažnost zraka 100%, barometarski pritisak 938,8 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a